

Broj: 03-02-78/2022
Sarajevo, 24.03.2022. godine

Босна и Герцеговина
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 25-03-2022			
Org. jed.	B r o j	Priloga	Vrijednost
01	02 -	320	/22
02			

**PARLAMENT FEDERACIJE
BOSNE I HERCEGOVINE**

- Predstavnički dom
gosp. Mirsad Zaimović, predsjedavajući
- Dom naroda
gosp. Tomislav Martinović, predsjedavajući ✓

PREDMET: Izjašnjenje Vlade Federacije Bosne i Hercegovine o Amandmanu na Prijedlog zakona o finansijskoj konsolidaciji i restrukturiranju javnih zdravstvenih ustanova u Federaciji Bosne i Hercegovine

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama člana 190. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), u prilogu Vam dostavljam **Izjašnjenje o Amandmanu na Prijedlog zakona o finansijskoj konsolidaciji i restrukturiranju javnih zdravstvenih ustanova u Federaciji Bosne i Hercegovine**, kojeg su podnijeli **Boro Krišto i grupa poslanika u Predstavničkom domu i grupa delegata u Domu naroda Parlamenta Federacije BiH**, a koje je Vlada Federacije Bosne i Hercegovine utvrdila na 309. sjednici, održanoj 24.03.2022. godine.

Izjašnjenje se dostavljaja na službenim jezicima i pismima Federacije Bosne i Hercegovine.

S poštovanjem,



Prilog: kao u tekstu na bosanskom jeziku

Cc: Federalno ministarstvo zdravstva

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa odredbama člana 190. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja Amandmana na Prijedlog zakona o finansijskoj konsolidaciji i restrukturiranju javnih zdravstvenih ustanova u Federaciji Bosne i Hercegovine, kojeg su podnijeli Boro Krišto i grupa poslanika u Predstavničkom domu i grupa delegata u Domu naroda Parlamenta Federacije BiH, Vlada Federacije Bosne i Hercegovine je, na 309. sjednici održanoj 24.03.2022. godine, utvrdila sljedeće:

IZJAŠNJENJE

o Amandmanu na Prijedlog zakona o finansijskoj konsolidaciji i restrukturiranju javnih zdravstvenih ustanova u Federaciji Bosne i Hercegovine, kojeg su podnijeli Boro Krišto i grupa poslanika u Predstavničkom domu i grupa delegata u Domu naroda Parlamenta Federacije BiH

AMANDMAN

U članu 21. stav 4. Prijedloga zakona o finansijskoj konsolidaciji i restrukturiranju javnih zdravstvenih ustanova u Federaciji Bosne i Hercegovine u dijelu visine sredstava koje će izdvojiti Vlada Federacije BiH, mijenja se na iznos od 107 miliona KM, umjesto iznosa od 100 miliona KM. U alineji 6. istog člana i stava dodaje se iznos od 7 miliona za zdravstvenu ustanovu „Kantonalnu bolnicu „Dr. Fra Mihovil Sučić Livno“, te će umjesto iznosa od 3 miliona KM stajati iznos od 10 miliona KM.

S predloženim amandmanom član 21. stav 4. a) i alineja 6. Prijedloga zakona o finansijskoj konsolidaciji i restrukturiranju javnih zdravstvenih ustanova u Federaciji Bosne i Hercegovine glasit će:

„Kao podršku u procesu restrukturiranja i sanacije u kantonalnim i opštim bolnicama Vlada Federacije izdvojiti će 107 miliona KM na teret budžeta Federacije BiH, kako slijedi:

- a) Za kantonalne bolnice ukupno 71.500.000 miliona KM,
 - Županijska bolnica „Dr. Fra Mihovil Sučić“ Livno 10.000.000 KM.“.

IZJAŠNJENJE

Amandman se ne prihvata

Obrazloženje

Predlagači ovog amandmana ističu da je u članu 21. stav (4) Prijedloga zakona o finansijskoj konsolidaciji i restrukturiranju javnih zdravstvenih ustanova u Federaciji Bosne i Hercegovine u dijelu visine sredstava koja će izdvojiti Vlada Federacije Bosne i Hercegovine, potrebna izmjena iznosa, tako da glasi „107 miliona KM“, umjesto iznosa od 100 miliona KM. U alineji 6. istog člana i stava dodaje se iznos od 7 miliona za zdravstvenu ustanovu „Županijska bolnica „Dr. Fra Mihovil Sučić“ Livno, tako da umjesto iznosa od 3 miliona KM treba da stoji iznos od 10 miliona KM. U Obrazloženju ovog prijedloga je navedeno da se radi o bolnici kojoj gravitira nešto manje od 90.000 stanovnika, te da je u pitanju jedina zdravstvena ustanova koja se bavi sekundarnom i tercijarnom zdravstvenom zaštitom u Kantonu 10. Usljed nerazvijenosti kantona i nemogućnosti dovoljnog finansiranja od strane osnivača, kroz više od dvije decenije nastale su značajne

finansijske obaveze i gubitak u poslovanju nešto manje od 20 miliona KM, koji ustanova zajedno s osnivačem ne može riješiti. Loše finansijsko stanje pandemija je dodatno pogoršala. Usvajanjem predloženog amandmana, na način da se poveća planirani iznos za sanaciju i restrukturiranje sa tri miliona na deset miliona KM, bi se omogućio normalan i nesmetan rad ove zdravstvene ustanove.

U pogledu predloženog Amandmana ističemo da je navedeno pitanje djelomično riješeno Amandmanom koji je utvrdila Vlada Federacije Bosne i Hercegovine na Prijedlog zakona. Napominjemo da se predviđeni iznos sredstava za implementaciju Zakona ne može povećavati. Postoji samo mogućnost preraspodjele planiranih sredstava između zdravstvenih ustanova, a u okviru ukupnog iznosa koji je Zakonom utvrđen. Slijedom navedenog, a zbog više prijedloga koji su upućeni Vladi Federacije Bosne i Hercegovine, isti su razmotreni, te je Vlada Federacije Bosne i Hercegovine amandmanski djelovala u tom smislu, a što uključuje i drugačiji raspored sredstava za Županijsku bolnicu „Dr. Fra Mihovil Sučić“ Livno u odnosu na prvobitni prijedlog.

Na osnovu iznesenog, Amandman se ne može prihvati.

V. broj: 380 /2022

24.03.2022. godine

Sarajevo

